

Na osnovu člana 16. stav 4. Zakona o Vladi Zeničko-dobojskog kantona - Prečišćen tekst („Službene novine Zeničko-dobojskog kantona“, broj 7/10), a u vezi sa članom 14. stav 2. Zakona o eksproprijaciji („Službene novine Federacije Bosne i Hercegovine“, broj: 70/07, 36/10, 25/12, 8/15 - odluka US i 34/16), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 47. sjednici, održanoj dana 20.09.2024. godine, d o n o s i

ZAKLJUČAK

I

Prihvata se Mišljenje Ministarstva za prostorno uređenje, promet i komunikacije i zaštitu okoline broj: 12/02-19-14579-2/24 od 09.09.2024. godine o Prijedlogu Federalnog ministarstva energije, rudarstva i industrije za donošenje Odluke o utvrđivanju javnog interesa broj: 05-13-1-1271/24 od 06.08.2024. godine.

II

Zaključak sa Mišljenjem iz tačke I ovog Zaključka bit će dostavljeno Federalnom ministarstva energije, rudarstva i industrije.

III

Zaključak stupa na snagu danom donošenja.

Broj: 02-_____/24
Datum, 20.09.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje,
 promet i komunikacije i zaštitu okoline,
1x Federalno ministarstvo energije, rudarstva i industrije,
 putem Ministarstva,
1x a/a.



Broj: 12/02-19-14579-2/24

Zenica, 09.09.2024. godine

ZENIČKO-DOBOJSKI KANTON

VLADA

- n/r Premijera

- n/r Sekretara

PREDMET: Mišljenje Ministarstva za prostorno uređenje, promet i komunikacije i zaštitu okoline Zeničko-dobojskog kantona o Prijedlogu Federalnog ministarstva energije rudarstva i industrije za donošenje Odluke o utvrđivanju javnog interesa broj: 05-13-1-1271/24 od 06.08.2024. godine, dostavlja se

Poštovani,

Ministarstvo za prostorno uređenje, promet i komunikacije i zaštitu okoline Zeničko-dobojskog kantona je dana 03.09.2024. godine zaprimilo predmet broj 02-19-14579/24 od 21.08.2024. godine, upućen od strane Federalnog ministarstva energije rudarstva i industrije „Prijedlog za donošenje Odluke o utvrđivanju javnog interesa, mišljenje traži se“, naslovljen na premijera Vlade Zeničko-dobojskog kantona, kojim se od Vlade Zeničko-dobojskog kantona traži mišljenje o utvrđivanju javnog interesa za potpunu i nepotpunu eksproprijaciju za sanaciju/rekonstrukciju dalekovoda DV 220 kV RP Kakanj - TS Tuzla 4, na dijelu Zeničko-dobojskog kantona.

Uz predmetni zahtjev je u digitalnoj formi, na DVD-u u jednoj PDF datoteci priložen Zahtjev Kompanije "Elektroprenos - Elektroprijenos BiH" a.d. Banja Luka (broj: 10-10908-1/2024 od 26.06.2024.g.) Federalnom ministarstvu energije, rudarstva i industrije za utvrđivanje javnog interesa za potpunu i nepotpunu eksproprijaciju za sanaciju/rekonstrukciju dalekovoda DV 220 kV RP Kakanj - TS Tuzla 4, sa prijedlogom da Vlada Federacije Bosne i Hercegovine donese odluku o proglašenju javnog interesa i utvrdi da je rekonstrukcija/sanacija dalekovoda DV 220 kV RP Kakanj - TE Tuzla od javnog interesa, u korist Kompanije "Elektroprenos - Elektroprijenos BiH" a.d. Banja Luka.

Nakon što se na navedeni akt izjasnila stručna institucija – Kantonalni zavod za urbanizam i prostorno uređenje, kao upravna organizacija u sastavu ovog ministarstva, Ministarstvo za prostorno uređenje, promet i komunikacije i zaštitu okoline Zeničko-dobojskog kantona daje slijedeće

MIŠLJENJE

o Prijedlogu Federalnog ministarstva energije rudarstva i industrije za donošenje Odluke o utvrđivanju javnog interesa broj: 05-13-1-1271/24 od 06.08.2024. godine.

Ministarstvo za prostorno uređenje, promet i komunikacije i zaštitu okoline Zeničko-dobojskog kantona daje pozitivno mišljenje po prijedlogu da Vlada Federacije Bosne i Hercegovine donese odluku o proglašenju javnog interesa i utvrdi da je rekonstrukcija/sanacija dalekovoda DV 220 kV RP Kakanj - TE Tuzla od javnog interesa, u korist Kompanije "Elektroprenos - Elektroprijenos BiH" a.d. Banja Luka, iz slijedećih razloga:



U skladu sa članom 139. Zakona o električnoj energiji FBiH ("Službene novine FBiH" broj: 60/23), kojim je propisana obaveza elektroenergetskog subjekta da rekonstruira, sanira i održava elektroenergetske objekte u skladu s važećim propisima, standardima i tehničkim normativima koji se odnose na elektroenergetske objekte, Elektroprijenos BiH je pokrenuo postupak rekonstrukcije/sanacije dalekovoda DV 220 kV RP Kakanj - TS Tuzla 4. Radi se o jednom od najstarijih dalekovoda na području Bosne i Hercegovine koji je u upotrebi od 1962. godine i predstavlja glavnu vezu elektroprijenosne mreže između Tuzlanske i Zeničke regije.

Iz razloga osiguranja stabilnog rada dalekovoda, rekonstrukcijom se predviđa zamjena i sanacija ugroženih stubova i temelja, zamjena faznih vodiča i zaštitnog užeta, antikorozivna zaštita stubova, otklanjanje narušenih sigurnosnih visina, povećanje statičke stabilnosti, produženje vijeka trajanja istih i dovođenja predmetnog dalekovoda u normalno pogonsko stanje, tj. povećanje njegove pogonske sigurnosti. Pri tome se vodilo računa da nova stubna mjesta ne mijenjaju postojeću trasu dalekovoda i da nova stubna mjesta ukoliko je moguće ostanu na istim parcelama na kojima već postoje stubovi koji su predmet sanacije/rekonstrukcije.

U skladu sa čl. 14. st. 2. Zakona o eksproprijaciji ("Službene novine Federacije BiH", br. 70/07, 36/10, 25/12, 8/15 (Presuda US FBiH) i 34/16), a radi pripreme i utvrđivanja Prijedloga odluke za Vladu Federacije Bosne i Hercegovine, Federalno ministarstvo energije, rudarstva i industrije je u obavezi pribaviti mišljenja Vlada kantona na čijim se područjima namjerava graditi objekat ili izvoditi radovi.

Uvidom u dostavljenu dokumentaciju i važeći Prostorni plan Zeničko-dobojskog kantona (2009-2029.), („Službene novine Zeničko-dobojskog kantona“, broj: 4/09, 6/09 i 5/10), ustanovili smo:

- Postojeća trasa dalekovoda DV 220 kV RP Kakanj - TS Tuzla 4 se nalazi u važećem Prostornom planu Zeničko-dobojskog kantona;
- Planirana rekonstrukcija/sanacija dalekovoda DV 220 kV RP Kakanj - TS Tuzla 4 na području Zeničko-dobojskog kantona zadržava postojeću trasu dalekovoda, kao i njegove zaštitne zone u širini od 30 m (15 m lijevo i desno od osovine dalekovoda);
- Predmet potpune eksproprijacije na području Zeničko-dobojskog kantona su dijelovi parcela u općini Olovo (2 parcele) i općini Zavidovići (1 parcela), radi izgradnje novih stubova i temelja. Dijelovi parcela predviđeni za eksproprijaciju su površine 49 m², kvadratnih dimenzija 7×7 m i nalaze se u neposrednoj blizini postojećih stubova, u postojećim zaštitnim zonama dalekovoda. Stubna mjesta koja se planiraju sanirati su SM 111 (SM 92), SM 112 (SM 93) i SM 127 (SM 98). U zgradama su stare oznake;
- Predmetne parcele su:
 - Općina Olovo, K.O. Careva Čuprija 2, K.Č. 2773/1, šuma 1,2,3. klase, sl. površina 23.883.869 m², posjednik: IP Krivaja Zavidovići, SM 111 (SM 92);
 - Općina Olovo, K.O. Careva Čuprija 2, K.Č. 1251, livada 4. klase, sl. površina 4.419 m², posjednici: dva privatna lica nastanjena u Austriji, SM 112 (SM 93);
 - Općina Zavidovići, K.O. Predražići, K.Č. 207/1, šuma 2. klase, sl. površina 933.656 m², posjednik: dr. svojina Federacija BiH, SM 127 (SM 98).
- Na parceli u općini Olovo, K.O. Careva Čuprija 2, K.Č. 1251, SM 112 (SM 93) se nalazi aktivno klizište, na kojem je planirana izrada Projekta temeljne konstrukcije u klizištu (temeljenje na šipovima za osiguranje statičke stabilnosti stuba).

Imajući u vidu zakonsku regulativu u FBiH, važeći Prostorni plan Zeničko-dobojskog kantona, dostavljenu dokumentaciju i našu analizu iste, smatramo da se može dati pozitivno Mišljenje o eksproprijaciji na spomenutim parcelama, prema urađenom Elaboratu eksproprijacije.

MINISTAR


(Adnan Šabani)

